



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cura Salvtis, Sivæ De Statu Vitæ Mature ac Prudenter  
Deliberandi Methodus**

**Hevenesi, Gábor**

**Coloniae, 1716**

**VD18 13912755**

An Parentibus à vocatione revocantibus obediendum?

[urn:nbn:de:hbz:466:1-50144](#)

Franciscus à Paula 13. S. Thomas 14.  
S. Benedictus 12. annorum Religionem  
ingressi sunt. Ille, quem *Matth.* 19. Chri-  
stus vocavit, Adolescentulus erat. Fe-  
licissimus, qui in prima innocentia Re-  
ligionem ingreditur ! talis offert DEO  
sacrificium absque macula.

10. Gratius DEO donum est , si id  
quod offertur , sit purum adhuc & in-  
nocens , ideo dicit : *Sicut parvulos ve-  
nire ad me.* Marc. 10. Crederesne eum  
esse humanum, qui te donare vellet flo-  
re marcido, fructu putrido, carne ran-  
cidâ ? nec tu te DEO offerre debes , in-  
tegritate jam deflorata , mente infectâ.  
Fructus præcoces gratiores : qui citò  
dat, bis dat.

11. Nescit tarda molimina Spiritus  
Sancti gratia. S. Ambr.

An Parentibus à vocatione revo-  
cantibus obediendum ?

1. **P**ostquam dæmon desperat tenta-  
tionibus candidatum vincere, Pa-  
rentes, Cognatos, &c. pro instrumento  
adhibet , ut his voluntatem invertat.  
Certum proinde habe, quidquid delibe-  
rationem ritè factam impedit, id omne  
à dæmone instigari.

2. Na-

2. Natura indidit affectum tenerum erga Parentes ; sed præceptum DEI jubar majorem exhiberi DEO. *Qui amat Patrem & Matrem plus quam me, non est me dignus.* Matth. 10.

3. Quid alii dicant , aut agant, illi viderint ; tu curam tuæ salutis habet nemo pro te Judici respondebit , si vocationem ejus negligas ; tui loco nullus infernum intrabit ; tu, non aliis , ob neglegtam inspirationem punieris, quia cognovisti voluntatem Domini tui , & non fecisti. *Luc. 12.*

4. Sed Mater flet iniquies Respondet Climacus : Melius est contristari Parentes , quam contristari Dominum JESUM ; hic nos creavit & salvavit , illi saepe suos amando perdidunt. Fleant illi , modò gaudeant Angeli , fleant illi potius nunc , quam ut tu fles æternum . Veni separare hominem adversus Patrem suum. *Matth. 10.*

5. Sed Præceptum DEI Parentibus jubar obedire. Ita , si nihil contra DEI voluntatem jubeant. Rectè Bernardus : Sola causa non obediendi Parentibus , DEUS est. Si in infirmitate plus medico , quam Patri obedis , cur non etiam in vocatione DEO potius , quam Parenti

rendi obediendum? Si quis venit ad me,  
& non odit Patrem suum, non est me dignus.

Matth. 8.

6. Certa apud omnes doctrina est: filium post 15. ætatis annos, etiam quomodo cunque invitis Parentibus, ingredi posse Religionem; & qui talem impedit, ei facit injuriam. Nisi extremæ Parentis necessitatì filium succurrere jubeat præceptum.

7. Christus ipse dolentibus Parentibus, & insciis, in templo remansit; cur ad DEUM vocatus, etiam invitis Parentibus, si aliter non possit, ire renuat? fecere SS. Benedictus, Calybita, Thomas, Stanislaus, & sexcenti alii. Quanquam optandum sit, ut bona Parentum venia & cum eorum benedictione filius descedat.

8. Sufficiat dictum S. Hieronymi Ep.  
1. Licet parvulus è collo pendeat nepos, licet sparso crine, & scissis vestibus ubera, quibus te nutriebat, mater ostendat; licet in limine Pater jaceat; per calcata m perge Matrem, siccis oculis ad vexillum crucis evola. Solùm pietatis genus est, in hac re esse crudelem.

9. Si te Parentes impedire velint, tu eorum iram & affectus moderatè feras; ratio-

rationes oppone objectionibus, calumnias cum demissione excipe; alicrum intercessione conare eos flectere. Optimum hic medium fervor est, & constantia; hac enim vis à facillimè flectuntur parentes, imò sæpe ideo repugnant, ut fervorem tuum experiantur, & videant, an veram vocationem habeas? quòd tu facile ostendes, rerum temporalium, gaudiorum, epularum, pecuniae, quam offerunt, contemptu.

10. Parata habe, quæ objectionibus reponas, si v. g. dicat Pater: durum sibi esse filio privari. DEUS dedit Filium Unigenitum pro nobis, & quidem ad mortem tam acerbam. 2. Si imperator filium vocaret ad suum obsequium, nunquid eo parens privari vellet, cur in DEUM sit minus humanus? 3. Filius magis est DEI, quàm Parentis? quid si filius globo, aut alio casu moreretur? Quid si DEUS & Patrem & Filium puniat?

### Tentationes contrā vocationem ad Religionem.

*Timeo, quod non perseverabo.*

1. **V**Anus iste timor est, nunquam à DEO separaberis per regressum, nisi